

Jasna Duraković  
Zastupnica SBB BIH

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA SARAJEVO  
n/r Vlade Kantona Sarajevo

Sarajevo, 23.01.2019.godina

### ZASTUPNIČKO PITANJE

Vrane u Sarajevu, iz godine u godinu, postaju sve veći problem stanovnika glavnog grada BiH. Naime, prema tvrdnjama građana, a i prema vlastitom svjedočenju, jata ovih agresivnih ptica, koji stalno rastu, "zaposjela" su gradska naselja, poput Otoke, Dobrinje i Grbavice. Nisu rijetki slučajevi da vrane napadaju i prolaznike.

U Ornitološkom savezu BiH kažu kako ih građani često zovu zbog napada ovih ptica. Radi se o agresivnijim pticama, koje su postale jedna vrsta grabežljivica i koje se jako brzo množe. Sarajevo im je pogodno tlo, zbog blizine deponije smeća, ali i nemara građana, koji ostatke hrane bacaju gdje stignu. To je pravi razlog što su se namnožile, i sada predstavljaju pravi problem. Napadaju građane u vrijeme parenja, a to je od marta, pa sve do ljeta. Razlog je što su veoma brižni roditelji, pa ako se približite gnijezdu, vrana će vas bez oklijevanja napasti. Zbog toga se veliki broj napada dogodio upravo u parkovima, i u blizini krošnji drveća. Sa problemom prekomjernog broja vrana suočili su se i neki gradovi u Hrvatskoj, ali, oni to rješavaju uništavanjem gnijezda u gradskim zonama. Iz ornitološkog saveza BiH poručuju da bi i mi trebali ovu mjeru primijeniti kod nas. Nadležni bi trebali dogovoriti sa lovačkim društvima da se počne raditi na odstrelu tih ptica. Najbolje bi to bilo raditi u zimskom periodu, kada im nije sezona gniježđenja, otići na gradsku deponiju, gdje ih ima najviše, i reducirati broj. Postavlja se pitanje koliko je etično ubijati ptice, međutim mnogi ubijaju i druge ptice koje nisu štetočine, pa zašto ne i vrane koje polako postaju veliki problem ovog grada. **Moje pitanje Vladi KS i premijeru Vlade KS je kako namjeravamo početi rješavati ovaj problem i da li vi mislite poduzeti konkretne mjere za rješavanjem ovog problema?**

Tražim da mi se na navedeno pitanje odgovori pisanim putem.

Zastupnica SBB BIH  
doc. dr. Jasna Duraković